



Tras tres meses de ensaios semanais, cultivando as gorkas e aprendendo os segredos das táboas medio centenar de veciños da parroquia de Mañufe levarán a escena a zarzuela “La Gran Vía”. Unha revista autoría de Federico Chueca e Joaquín Valverde con libreto de Felipe Pérez y González escrita con motivo da pegada da construción da gran estrada madrileña a finais do século XIX. O espectáculo, de entrada libre, dará comezo ás 21 horas no teatro do Centro Cultural de San Vicente de Mañufe.

A iniciativa xurde do grupo **Xente aquí e dacolá**, colectivo da parroquia que dende o 2009 desenvolve actividades escénicas e que no pasado outubro fixo a súa presentación oficial na primeira mostra de teatro local

Levanta o telón, coas obras “O asasino anda solto” e “El oculista de la vista”. Totalmente autoxestionados, presentarán un vestiario e escenografía de época por eles procurado.

Con esta función péchase un ano de abondosa actividade do Centro Cultural San Vicente de Mañufe que tivo a ben achegar ducias de obradoiros, cursos e actividades de lecer na parroquia. Actividade que continuará xa no 2015 cunha xornada de Reis o domingo 4 de xaneiro a partir das 18:30 horas. Para ese día anúnciase a actuación do grupo folclórico Fíbulas, a representación da obra infantil “O paraíso dos animais” a cargo do grupo infantil de **Xente aquí e dacolá** para finalizar co recibimento dos Reis Magos no centro cultural.